

《南斗真經》

淨三業神咒：

身中諸內境。三萬六千神。動作履行
藏。前劫並後業。願我身自在。常住
三寶中。當於劫壞時。我身常不滅¹。
誦此真文時。身心口業皆清淨。急急
如律令。

淨壇神咒：

太上說法時。金鐘響玉音。百穢藏九

地。諸魔護騫林。天花散法雨。法鼓
振迷沉。諸天賡善哉。金童舞瑤琴。
願傾八霞光。照依皈依心。蚤法大法
稿。翼侍五雲深。急急如律令。

淨心神咒：

太上台星。應變無停。驅邪縛魅。
保命護身。智慧明淨。心神安寧。
三魂永固。魄無喪傾。急急如律令。
淨口神咒：

丹朱口神。吐穢除氛。舌神正倫。
通命養神。羅千齒神。卻邪衛真。
喉神虎賁。氣神引津。心神丹元。
令我通真。思神鍊液。道氣長存。
急急如律令。

淨身神咒：

靈寶天尊。安慰身形。弟子魂魄。
五臟玄冥。青龍白虎。隊仗紛紜。
朱雀玄武。侍衛身形。急急如律令。

淨天地解穢神咒：

天地自然。穢氣氛散。洞中玄虛。
晃朗太元。八方威神。使我自然。
靈寶符命。普告九天。乾羅嗒哪。
洞罡太元。斬妖縛邪。度人萬千。
中山神咒。元始玉文。持誦一遍。
卻病延年。按行五嶽。八海知聞。
魔王束首。侍衛我軒。凶穢消散。
道氣長存。急急如律令。

安土地神咒：

元始安鎮。普告萬靈。嶽瀆真官。土地祇神。左社右稷。不得妄驚。回向正道。內外澄清。各安方位。備守壇庭。太上有命。搜捕邪精。護法神王。保衛誦經。皈依大道。元亨利貞。急急如律令。

祝香神咒：

道由心學。心假香傳。香爇玉爐。

心存帝前。真靈下盼。仙旆臨軒。
今臣關告。逕達九天。

金光神咒：

天地玄宗。萬氣本根。廣修萬劫。
證吾神通。三界內外。惟道獨尊。
體有金光。覆映吾身。視之不見。
聽之不聞。包羅天地。養育群生。
受持萬遍。身有光明。
三界侍衛。五帝伺迎。萬神朝禮。

役使雷霆。鬼妖喪膽。精怪亡形。
內有霹靂。雷神隱名。洞慧交徹。
五氣騰騰。金光速現。覆護真人。
急急如律令。

《南斗星君延壽真經》

恭請

恭請南斗六司延壽星君寶誥 志心
皈命禮。(三稱)

太微正曜。南極都曹。主司陽官。宰
御火帝。位離宮而名符日曜。隨斗柄
而環應七元。助天地豐育之功。體道
德光明之照。受性降神。握品物生成
之統紀。陶魂鑄魄。管人天遷化之樞
機。注秩消災。延齡溥福。至聖至尊。
大悲大願。

中天大聖。南斗六司。延壽星君。壽
星大帝。陽明普度天尊。

敬誦

南斗六司延壽度人妙經

爾時

老君告天師曰。此經乃九天、八會之真文。三洞、三清之上道。

元始天尊。昔經歷於七億萬劫。天地⁹始終。人倫生死。五運遷變。萬彙興衰。而

天尊於今、猶宴居景雲之上。上清真

境。修鍊至真。敷揚妙道。愍念群生。
大慈不捨。吾昔得傳付是經。今當授
之於汝。汝宜選奉道之士。謹修行之
人。天陽地陰。一合而生成兩曜。兩
曜行度。五緯周天。是謂七政。則七
星九元北斗也。每以杓隨月建。分指¹⁰
節氣。二十四氣、二十八舍。應下土
七十二候、三十六禽。舍中有斗宿六
星。是則號南斗六司。與北斗七政。

分職共理。三才、六合、八卦、九宮。
總轄中外百辟官品。乃紫微、太微兩
極都曹也。

上繫十二分次。天真靈神。下統十二
分野。地祇主者。四瀆五嶽。九州八
紘。名山大川。城隍社廟。中及人民。
群類萬物。無不記繫其簿籍。掌握世
人善惡矣。

北斗位處坎宮。名同月曜。降神於

人。名之為魄也。主司陰府。宰御水源。將濟生聚。功莫大焉。南斗位處離宮。名同日曜。降神於人。名之為魂也。主司陽官。宰御火帝。將濟動用。德莫大焉。洎有天地。迄至於今。二司兩極。同共陶鑄萬品。生成萬物。注擬天人之爵秩。增減士庶之祿俸。延促年齡。去留災福。莫不由其與奪也。所以然者。乃

知陽日陰月。南北二司。魁斗魍罡。
受性水火。稟質陰陽。助天地而育
物。體道德而垂光。物得而豐也。非
此而孰能乎。人得而生也。非此而孰
為乎。是故
天尊。慇懃嗟憫。觀爾含靈。一如赤
子。闡教救護。令保生性。其救護法。
使一切善男善女。不以高卑。皆應志
心。常當恭敬。若或時覩日曜、月曜。

南斗、北斗。則鄭重叩頭。請乞佑護。
願賜恩福。上言呼稱。至聖至尊。真
宰真君。矜哀凡愚。宥赦過咎。即再
拜。不得懷於輕慢。反招殃累。
老君曰。爾等男女。能依吾所授。奉
教而行者。若有所告請。欲消災度
厄。增福延年。保家屬之團圓。祝封
疆之寧謐。或欲免息塚訟。削死注
生。皆當上章投詞。設醮求請。無不

如意也。

爾時、

老君為天師重宣言曰。

南斗火官除毒害。北斗水神滅凶災。

一切所求皆稱遂。萬般滯悶悉通開。

能依經法冥心醮。必當隨願契靈臺。

凡在有情常頂禮。禍厄無因輒敢來。

老君曰：神真之妙。凡世難言。凡夫

愚昧。貴遠賤近。近者身也。

目見日月星斗。耳聞風雷韶雅。鼻嗅
蘭麝腥臊。舌了甘辛酸苦。口宣言語
音響。至於手執足行。自生及老。皆
不可離水火。今凡夫見之、若不見。
聞其言、如甚憤。殊不知成立生性。
皆是天地日月星斗與之。假於四大。
正茲一氣。生生之生。全繫水火。水
火比於道之真體。故不可暫離。可離
而獲存者。非物非人。吾今叮嚀。與

在世男女。說此要道。普令發心。求
請醮獻。知有神真。信吾教示。更能
於四時、月旦、八節十二氣、三元、
三會、五臘、本命。是諸良時吉日。
皆可上章拜表。投詞獻款。請乞恩
福。懺罪消災。燃燈獻果。供養禮拜。
其福無量也。

今當頂禮恭敬
南斗第一天府。司命上將鎮國真君。

南斗第二天相。司祿上相鎮嶽真君。
南斗第三天梁。延壽保命真君。
南斗第四天同。益算保生真君。
南斗第五天樞。度厄文昌鍊魂真君。
南斗第六天機。上生監簿大理真君。
如是六星真君。六星童子。火鈴將
軍。凡人轉誦此經。切須至誠。虔心
禱祝。無不應驗。唯在精勤。拜表上
章。真聖自降。必獲延年。長生道性。

老君曰。此六司真君。神性急速。能傾心求請。無願不從。神真感人心。隨事皆諧偶也。夫萬行之本。一身之根。在乎道氣。保固形命。形命保固。在乎教法。教法存乎科儀之細密。聲發響應。形動影隨。形從心移。發足動步。神靈微妙也。南斗北斗。陶魂鑄魄。魂既受鍊。乃遷轉生人。能依吾教法。謝已往之非。補將來之短。

洗滌眾災。拜迎百福。唯在嚴潔崇敬。罄志投誠。必獲度世之仙道。共日月之同年。若有深信之士。能修設兩極二斗。同醮一壇。各像斗星玄壇。柱列香燈。鋪排淨茶。供獻果食。總以端肅誠敬。不須洒脯。此最為要道。以斯迎請。神真真聖。歡喜降臨。速得賜其福壽。

老君演此真妙經竟。正一天師與弟子

王長。座前再拜禮謝。謹奉道旨。廣
為傳行。

敬誦

南斗長生真經

諸大星君。欲求解釋。信士女○○○
命宮。行年、運限、星辰、逼刻、歲
煞、刑沖。蠲除過犯之冤。殄散將來
之厄。災星言隱。同為福慧以質身。
惡煞所讚。轉降吉祥而護體。冤愆解
釋。鬼裊驅除。從此百病以安痊。自
此千災而絕滅。戶納千祥之吉慶。合

家老幼之和光。異作異謀。以家庭建
想。凡居食寢。坐臥行藏。俱祈造化
洪恩。悉皆乾坤庇佑。如斯法理。伏
望有道經師寶。三清聖空藏。一心禮
請。

志心朝禮。

南斗六司星君。北斗七元星君。
傍臨正照星君。上宮九曜星君。
十二宮中星君。本命元辰星君。

年月日時星君。紫氣月孛星君。

消災解厄星君。長生集福星君。

頂禮三尊證明。眾真歡喜。除災消

厄。乞降長生。疾病早離。身體

吉祥。光佛言言滅罪。句句消災。諸

般冤家。咒咀盡消除。早離身體。

信士女○○○

本命宮中有災厄。釋迦文佛解消除。

財帛宮中有災厄。羅漢聖僧解消除。

兄弟宮中有災厄。
田宅宮中有災厄。
男女宮中有災厄。
奴僕宮中有災厄。
夫妻宮中有災厄。
疾病宮中有災厄。
遷移宮中有災厄。
官祿宮中有災厄。
福德宮中有災厄。

靈寶王佛解消除。
地藏菩薩解消除。
救脫王佛解消除。
訶閼王佛解消除。
歡喜菩薩解消除。
吉祥光佛解消除。
壽足光佛解消除。
高貴王佛解消除。
福德菩薩解消除。

相貌宮中有災厄。寶相如來解消除。
信士女宮中有災厄。身中災難解消除。
除。

十二宮中有災厄。相貌神煞解消除。

寅年、寅月、寅日、寅時有災厄。甲

寅將軍解消除。

卯年、卯月、卯日、卯時有災厄。乙

卯將軍解消除。

辰年、辰月、辰日、辰時有災厄。甲

辰將軍解除。

巳年、巳月、巳日、巳時有災厄。

乙

巳將軍解除。

午年、午月、午日、午時有災厄。

甲

午將軍解除。

未年、未月、未日、未時有災厄。

乙²⁷

未將軍解除。

申年、申月、申日、申時有災厄。

甲

申將軍解除。

酉年、酉月、酉日、酉時有災厄。乙
酉將軍解除。

戌年、戌月、戌日、戌時有災厄。甲

戌將軍解除。

亥年、亥月、亥日、亥時有災厄。乙

亥將軍解除。

子年、子月、子日、子時有災厄。甲

子將軍解除。

丑年、丑月、丑日、丑時有災厄。乙

丑將軍解除。

甲乙年、月、日、時有災厄。

木德

將軍解除。

丙丁年、月、日、時有災厄。

火德

將軍解除。

戊己年、月、日、時有災厄。

土德

將軍解除。

庚辛年、月、日、時有災厄。

金德

將軍解除。

壬癸年、月、日、時有災厄。水德將軍消除。

春季三月有災厄。	夏季三月有災厄。	秋季三月有災厄。	冬季三月有災厄。	一年四季有災厄。	大小運限有災厄。	年厄度宿有災厄。
青面將軍消除。	赤面將軍消除。	白面將軍消除。	黑面將軍消除。	黃面將軍消除。	宮中大聖消除。	熾盛王佛消除。

冤家咒咀有災厄。
天曹案中有災厄。
地府陰司有災厄。
水府江河有災厄。
陽間獄中有災厄。
城隍社廟有災厄。
造作宅舍有災厄。
觸犯天道有災厄。
五音邪淫有災厄。

天藏菩薩消除。
特地菩薩消除。
青龍陀佛消除。
自在王佛消除。
華光王佛消除。
普光王佛消除。
金輪王佛消除。
金天七佛消除。
千光王佛消除。

水溺火焚有災厄。觀音菩薩解消除。
血光產難有災厄。天王佛法解消除。
解冤釋愿大天尊。解冤滅罪哆囉呢。
冤家災病解消除。消災集福大天尊。
春保得平安。夏保得康寧。秋保財丁
旺。冬保福壽長。一年三百六十朝。
朝朝常吉慶。三壇尊主。滿漢星君。
同來降赴。消災集福保長生。
長命富貴大天尊。（三稱）